

**MENSAHE TI KANTA
PAKASEKNAN KEN KARARAG
PANANGIPAAY KADAGITI SAGDSAGUT
+DOKSOLOHIA/KARARAG PAGYAMAN**

I Timoteo 6:17

PANNAKAILAWLAWAG TI PITO A MAUDI A BALIKAS:

- I. "Ama, pakawanem ida, ta dida ammo ti ar-aramidenda."
(Lukas 23:34)- Rev. Norman G. Taynan, CM NHC
- II. "Ita nga aldaw makipaggiankanto kaniak idiyay Paraiso."
(Lukas 23:43), Rev. Julie Acluba, CM Apayao Conference
- III. "Babai, addayta ti anakmo! Addayta ti inam!"
(Juan 19:26-27), Rev. Ruby Balagso, CM NAC
- IV. "Diosko, Diosko, apay-apay binaybay-annak."
(Mateo 27:46)Rev. Noel Pagdilao, CM NWLC

Mensahe iti Kanta:

- V. "Mawawak."
(Juan 19:28), Rev. Marcela A. Sacayle, JAMCO NLJ
- VI. "Natungpalen"
(Juan 19:30) Rev. Antero Guillermo, CM NCLC

Mensahe iti Kanta:

- VII. Ama, kadagita imam ti pangitalkak itoy kararuak." Lucas 23:46
Bishop Joseph Agpaoa, Bishop assigned to NLJ

****HIMNO A PANAGRIKEP "Inyawatko Toy Biag" (wenna In Christ Alone)**

Inyawatko toy biag, ti darak naibuyat,
Tapno masubbotka ken tapno agbiagka;
Kenka intedko ti biagko, ket aniat' intedmo?

Sikat' nagtuokak iti di mayebkas,
Tapno maaonka, ti tuok ni damka;
Ti nagsagabaak sika, ti insubadmo, Ania?

Ket inyegko kenka, awan baybayadna,
Salakan ken talna, saranay ken grasia;
Parabur kenka intedko, Aniat' insubadmo?

****PANGSERRA A KARARAG:**

PAMENDISION:

Sungbat: 5 nga Amen



United Church of Christ in the Philippines
North Luzon Jurisdiction
April 10, 2020



Good Friday is called Good Friday because, Christians believe, there is something very good about it: It is the anniversary, they say, of Jesus suffering and dying for their sins. "That terrible Friday has been called Good Friday because it led to the Resurrection of Jesus and his victory over death and sin and the

celebration of Easter, the very pinnacle of Christian celebrations, "

the Huffington Post

TI PANAGTITIPON

PANNAKASINDI TI KANDELA

KABLAAW: Ni Cristo binaklayna dagiti basbasoltayo idia y krus bareng mataytayo kenni basol ket agbiagtayo a nasantoan.

Agkararagtagayo: Mannakabalin a Dios, ti anakmo a ni Jesu Cristo naibayog idia y krus tapno iyasidegna ti lubong kenkuana. Makipaglak-amkam kadi iti gloriana iti ipapatayna para iti pannakaisalakanmi, kasta met iti ayabna a baklayen ti krus ket suroten isuna, babaen iti nagan ni Jesus nga Apomi. Amen.

PANAGULIMEK

+HIMNO A PAGDAYAW **Alas! And did my Savior Bleed**

1. Alas! And did my Savior bleed, and did my Sovereign die?
Would he devote that sacred head for sinners such as I?
2. Was it for sins that I have done he groaned upon the tree?
Amazing pity, grace unknown, and love beyond degree!
3. Well might the sun in darkness hide and shut its glories in
when Christ, the mighty Maker, died for his own creatures' sin.
4. Thus might I hide my blushing face while his dear cross appears,
dissolve my heart in thankfulness, and melt mine eyes to tears.

+IMBOKASION (amin) Kas naurnongkami amin ita, malagipmi ti sakripisiom Apomi Jesu Cristo. Nagbalinka a kas karnero a naparti, nakawesan iti kinapakumbaba ken parabur, saanmo nga impaidam nga indaton ti biagmo agingga ken patay tapno agbiagkami iti agnanayon. Agyamankami kenka iti saan a maugpa nga ayatmo isu nga inyunnatmo idia y krus. Agtalinaedkami iti sakit nga sinagabam tapno ipaayna iti pammakawanmo kadakami. A Kas dayawen ken itan-okdaka ita, tulongannakami nga agbiag a sisisiddaaw iti daytoy a kinaimbagmo ken ti agnanayon a paraburmo. Amen.

DAGITI PAMMABASOL: Sangitan ni Cristo ti saan a Kinapudno ti Iglesia

Reader 1: Tattaok, Iglesiak, aniat inarmidko kenka wenna kaano pay a sinaktanka? Indalanka manipud Egipto ket inlapsutkayo babaen iti pannakabuniag iti danum, ngem insagaanyo ketdi ti krus ti Mannubbotyo.

Sungbat: Nasantoan a Dios, mannakabalin ken agnanayon nga Apo, kaassiannakami.

Reader 2: Indalankayo manipud iti disierto iti kwarenta a tawen ken tinaraonankayo iti Manna, namin-ano a daras nga inikkankayo iti pannakaparigat ken pannakapabaro kasta met nga impaayko ti bagik kadakayo, ti tinapay ti langit, ngem insaganaanyo ketdi ti krus ti Mannubbotyo.

Sungbat: Nasantoan a Dios, mannakabalin ken agnanayon nga Apo, kaassiannakami.

Reader 3: Inyaramidankayo iti sanga ti ubas ken impaayko ti danum ti pannakaisalakan, ngem idi mawawak inikkandak iti naalsem a suka, sugat ken pait kasta met dinuyokyo ti bakrang ti Mannubbotyo.

Sungbat: Nasantoan a Dios, mannakabalin ken agnanayon nga Apo, kaassiannakami.

Reader 4: Immun-unaak kadakayo babaen iti monmon nga ulep, ngem impandak iti panangukoman ni Poncio Pilato. Impankayo iti daga iti wayawaya ken nadam-eg ngem inlunod, rinabrabak ken sinapsaplitdak.

Sungbat: Nasantoan a Dios, mannakabalin ken agnanayon nga Apo, kaassiannakami.

Reader 5: Inikkankayo iti naarian a baston, ken intedko ti tulbek ti pagarian ngem kinoronaandak iti sisiit, intal-okayo kasta met iti pannakabalin, ngem inlansadak iti krus.

Sungbat: Nasantoan a Dios, mannakabalin ken agnanayon nga Apo, kaassiannakami

Reader 6: Ti talnak ti imbatik kadakayo, a saan nga maited ti lubong, kasta met a binuggoak ti sakayo a kas maysa nga adipen, ngem dinutdotyo tapno busorenyo ti naganko ket tinarigagayanyo dagiti nangato a saad iti pagariak.

Reader 7: Innalak ti kopa iti panagsagaba ken patay para kadakayo, ngem nawarawara, inlibakdak ket binaybay-andak. Imbaonko ti Espiritu ti Kinapudno a mangidalan kadakayo, ngem inserrayo ti pusoyo para iti pannakaidalan.

Sungbat: Nasantoan a Dios, mannakabalin ken agnanayon nga Apo, kaassiannakami

Reader 8: Inayabankayo nga agbunga ket umadukayo, ngem nagbibinnotanyo ti badok. Inkararagko tapno agmaymaysakayo, ngem intuloyyo nga agaapa ken nagsisinakayo.

Sungbat: Nasantoan a Dios, mannakabalin ken agnanayon nga Apo, kaassiannakami.

Reader 9: Immayak kadakayo a kas kanunumoan kadagiti kakabsatyo. Mabisinak ngem saandak a tinaraonan, nawawak ngem saandak a pinainom. Immayak a gangannaet ngem

saandak a pinadagus, lamolamoak ngem saandak a binadoan, masakit ken nabaludak ngem saandak a binisita.

Sungbat: Nasantoan a Dios, mannakabalin ken agnanayon nga Apo, kaassiannakami.

**MAIBASA A SALMO
ADAL DAGITI TEKSTO**

SALMO 22
Hebrew 10:16 –25